

## **Engraziament ed auguris**

Preziadas convischinas, preziai convischins

Igl onn 2016 senclina e va da rendiu. Alla sava digl onn niev admettein nus all'entira populaziun da nossa vischnaunca benedidas fiastas da Nadal ed ils meglieirs giavischs per igl onn 2017. Possi quei onn purtar a nus tuts ventira e legria, oravontut satisfacziun e buna sanadad.

Nos sincers giavischs unin nus cun in grond engraziament per Vossa buna collaboraziun duront igl onn ora. El decuors d'in onn cuora dabia. Suprastonza ed administraziun communal sesprovan da respectar sco era d'ademplier Vos giavischs e stattan, per promover ina buna convivenza risguardond il beinstar communal, bugen a disposiziun per segidar cun Vus en Vossas damondas e Vos quitaus. Bia gartegia aschia meglier ed auter gartegia insumma buc. Denton la capientscha e la fidonza che la gronda part da nossa populaziun demuossa, munta in grond sustegn en la lavur publica. Communablamein vulein nus s'engaschar vinavon per in prospereivel futur da nossa vischnaunca e per il beinstar da nus tuts.

**Suprastonza ed administraziun  
comunala Breil**

## **Apèro da Silvester 2016**

Preziadas convischinas, preziai convischins e preziai hosps

La vischnaunca ensemen cun la pleiv da Breil envidan en l'entira populaziun da Breil ensemen cun ils hosps da vacanzas ad in apèro da Silvester, il qual entscheiva dallas 22:30 uras sin plaz Cadruvi. Dil program sa vegni priu investa sin nossa pagina d'internet [www.brei.ch](http://www.brei.ch).

**Suprastonza communal e  
Pleiv Breil**

## **Silvesterapèro 2016**

Liebe Einwohnerinnen und Einwohner, liebe Gäste

Die Gemeinde Breil/Brigels zusammen mit der Kirchgemeinde Breil/Brigels möchte die ganze Bevölkerung sowie die Feriengäste zu einem Silvesterapèro, welcher ab 22:30 Uhr auf dem „Plaz Cadruvi“ beginnen wird, einladen. Das Programm kann auf unserer Homepage [www.breil.ch](http://www.breil.ch) eingesehen werden.

**Gemeindevorstand und Kirch-  
gemeinde Breil/Brigels**

## **AVIS:**

La deponia per rumien bloccond sco era per pupi e cartun ol Bostg, ei serrada sonda ils 24 da december sco era sonda ils 31 da december 2016. Nus supplichein da prender enconuschientscha.

**Suprastonza communal Breil**

## **Nova purschida per seniors e senioras el PUNTREIS Center da sanadat SA a Mustér**

La Pro Senectute Grischun ha aviert in post da cussegliaziun ella Cadi e quei ellas localitads da PUNTREIS Center da sanadat SA a Mustér. Cun quella purschida ston nossas senioras e seniors ni lur parents buca pli serender entochen Glion per ina cussegliaziun mobein san far diever d'ina tala a Mustér.

Il post ei mintgamai aviarts la tiarza gievgia dil meins e quei naven dils 19 da schaner 2017. Per fixar in termin da cussegliaziun san ins s'annunziar directamein tier Curdin Casaulta, menader dil post dalla Pro Senectute Grischun sut 081 925 43 26.

Bien engraziament.

**PUNTREIS Center da sanadat Mustér**